



# God bin meigim ebrijing

God, en oni im na bin meigim dijan wel en ebrijing iya,  
en oni im na bos blanga top en blanga dijan graun.



God bin meigim dubala pipul laik imself. Imbin meigim boiwan en gelwan, en imbin tok gudbinjiwei langa dubala, "Yunbala garra abumbat bigmob biginini, dumaji yunbala garram loda kantri blanga jidanbat. En detlot biginini blanga yunbala garra go ebriweya langa ola kantri en meigim miselp bos blanga detlot kantri, dumaji mi na meigim yumob bos blanga ola fish en ola bard en ola enimul.

Wal det brabli trikiwan sneik imbin go langa det wuman, en imbin tok, "Yu reken God bin dalim yunbala nomo blanga abum daga brom eni tri langa dijan gadin?"


Wal det wuman bin tok, "God bin dalim minbala blanga dagat enijing langa dijan gadin. Oni wanbala tri deya na minbala kaan tatjim en dagat. If minbala tatjim en dagat daga brom det tri, wal streidawei minbala garra dai."

Wal det sneik bin dalim det wuman, "God im laiya. Yunbala kaan dai. God bin tok lagijat langa yunbala dumaji im sabi wen yunbala dagat det daga, yunbala garra meigim miselp jis laik God. Yunbala garra sabi ebrijing weya im gud en ebrijing weya im nogud jis laik God sabi."

Brom deya det wuman bin go en imbin gajim daga brom det tri, en imbin dagat det daga, en afta imbin deigim det daga langa im hasbin, en imbin dagat det daga du.

Wal streidawei dubala bin sabi dubala bin dum nogudbala ting, en dubala bin luk miselp neigibala, en dubala bin sheim miselp na en dubala bin gaburrumap miselp na.

Brom deya YAWEI bin kaminap langa dubala, en dubala bin go en blandim miselp langa ola tri.



Wal YAWEI bin jingat langa det men, "Wujei yu?" En det men bin tok, "Aibin irrim yu wokwok iya langa dijan gadin, en aibin bradin, en aibin blandim miselp, dumaji mi neigidwan."

Wal God bin tok, "Hubin dalim yu, yu neigidwan? Maitbi yubin dagat det daga weya aibin tok yu nomo lau dagat."

Wal imbin tok, "Det wuman weya yubin gigit langa mi,

im na bin gigit mi det daga, en aibin dagat."

Wal YAWEI bin askim det wuman na, "Wotfo yubin dum lagijat?" Wal det wuman bin pudum bleim langa det sneik. Imbin tok, "Det sneik bin temtim mi blanga dagat det daga."

Brom deya YAWEI bin andimwei det men en det wuman brom det gadin gulum Idin, en God bin meigim det men wekim det graun, dumaji imbin meigim det men garam graun.

# God bin meigim ebrijing



G \_ \_ b \_ \_ m \_ \_ \_ \_ e \_ \_ \_ \_



BIBLE  
SOCIETY  
Live light



Scripture from Kriol Holi Baibul  
Eks 17:24, Jenasis 1:27-28  
Jenasis 3:1-14 (excerpts); 3:23  
Wycliffe Bible Translators-Australia © 2010-2011

Illustrations: Copyright © Global Recordings  
Network Australia. Used by permission  
<http://globalrecordings.net.au>

Published by Bible Society Australia © 2012  
[www.biblesociety.org.au](http://www.biblesociety.org.au)

Binijim ola wed  
God, en o\_i im n\_  
bi\_ mei\_i dij\_n  
we\_ en e\_rijn\_  
\_ya, en on\_ im na  
b\_s b\_ang a \_op  
en blan\_a dija\_  
g\_aun.



Yu garra faindim ola wed  
lange det pasul

dijan, yunbala, detlot, bos,  
imbin, loda, jidanbat, ebriweya

meigim, pipul, kantri, boowan,  
fish, laik, imselp, dubala, bard,  
biginini, gelwan, enimul, bigmob

t w a n b a l  
w a n m s a b  
g a d i n t l  
t r i k i w a  
l w m a d u n  
a o w m a m d  
g k e i g a i  
i w i n a n m  
j o h a s b i  
a k d p l r p  
t u d a g a t  
a n o g u d s  
t m s h e i m  
j g r a u n a  
i d a i d t o  
m n k t t i r



Yu garra faindim ola wed  
lange det pasul  
sneik, trikiwan, wuman,  
wanbala, dagat, hasbin,  
daga, sheim, blandim, nogud,  
kaminap, andimwei, graun,  
wokwok, bradin, gadin,  
lagijat, tok, tatjim, dai, sabi